

SIARAN MEDIA

Kuala Lumpur, 24 Julai 2014

Spekulasi mengenai penyusunan semula MAS

Kami merujuk kepada laporan media mengenai penstrukturan semula Malaysian Airline System Berhad (“MAS”), baru-baru ini.

Khazanah Nasional Berhad (“Khazanah”) ingin menyatakan bahawa laporan media berkaitan penggabungan MAS dan AirAsia X Berhad adalah tidak berasas dan spekulatif.

Kami juga ingin mengingatkan serta menggesa semua pihak supaya tidak membuat spekulasi mengenai penyusunan semula MAS, termasuk berkaitan penggabungan, penyah-senaraian serta sebarang penyelesaian penyusunan semula yang lain.

Seperti yang telah kami nyatakan sebelum ini, kajian semula berkaitan semua pilihan penyusunan semula kini sedang dijalankan dan dinilai.

Keputusan berkaitan kajian semula ini akan dilakukan selepas pertimbangan yang sewajarnya dibuat serta selepas memperoleh kelulusan daripada pihak berkuasa yang berkenaan termasuk daripada pemegang saham khas, Menteri Kewangan Diperbadankan. Hasilnya akan diumumkan dalam tempoh masa yang telah dinyatakan sebelum ini.

Tamat

Untuk maklumat, sila hubungi Mohd Raslan Md Sharif di talian +603 2034 0000 atau e-mel raslan.sharif@khazanah.com.my

Tentang Khazanah Nasional Berhad

Khazanah Nasional Berhad adalah dana pelaburan strategik Kerajaan Malaysia yang diamanahkan untuk memegang dan menguruskan aset komersil Kerajaan dan menjalankan pelaburan strategik. Khazanah terlibat dalam pelbagai sektor seperti tenaga, telekomunikasi, perbankan, penjagaan kesihatan, pengurusan lapangan terbang, prasarana, riadah & pelancongan, pembangunan hartanah, penyiaran, pegangan pelaburan serta teknologi. Antara syarikat tersenarai utama di bawah portfolio pelaburan Khazanah adalah Telekom Malaysia Bhd., Tenaga Nasional Bhd., CIMB Group, Axiata Group Bhd., IHH Healthcare Bhd., Malaysia Airports Holdings Bhd dan UEM Sunrise Bhd.

Untuk maklumat lanjut mengenai Khazanah, sila lawat www.khazanah.com.my